

## يا أَسْمَر

غناء: أحلام

لحن: مارون سالم

تاريخ: ٢٦/٩/١٩٦٣م

يا أَسْمَر يسعد مساك فرّحت القلب بملقاك  
وحياتك بنسى أهلي مش ممكن إقدر إنسك

\*\*\*

حبيتك والحب جنون ولعينك قلبي مرهون  
بلحق روحك وين ما تكون لو دربك كلاً اشواك

\*\*\*

زرعتك وردة بضلوعي وسقيتنا نار دموعي  
هجرك زود لي ولوعي ضناني كتر نجواك

\*\*\*

لا تلوع يللي حبك شالح روحو عا دربك  
يا أَسْمَر وحياء ربك ما بتسوى العيشه بلاك

\*\*\*

## الخلق اللطيف

غناء: أحلام

لحن: مارون سالم

تاريخ: ١٩٦٣/٩/٢٦م

والظل الخفيف والخلق اللطيف  
والشكل الظريف والقلب الحنون  
والطبع الرايق والبسمه الحلوة  
بين الخلائق مثال العفّوه  
لكن ما بيجرح إنسان واللي رموش عيونو سيوف

\*\*\*

حظي ونصيب هيدا حبيبي  
واللي ما بيهوى الجفا يللي ما بينسى الوفا  
ما مرّة شفتو غضبان ما مرّة شفتو عابس  
وبتغنيلو غصون البان بيضحكلو الغصن اليابس

\*\*\*

# بللي قلبك ناسيني

غناء: أحلام

لحن: جورج تابت

تاريخ: ١٩٦٣/٩/٢٦ م

يللي قلبك ناسيني      بحياتك لا تقسيني  
من غير ذنب      كيف لك قلب  
تهجرني وتجافيني

قلبي طيب يا محبوب      ياما عنك ماحي ذنوب  
مهما تخلي قلبي يذوب      كل ما فيك تراضيني  
من غير ذنب      كيف لك قلب

تهجرني وتجافيني  
يا معودني عالآلام      يا محرمني إصحى ونام  
ما في يوم من الأيام      بتوعدي وبتوفيني  
من غير ذنب      كيف لك قلب  
تهجرني وتجافيني